

امور تحریریه ایچون فؤاد بکه
وامور اداره ایچون آرتین افندی به
مراجعت اولنور.

—

مسئله مزه موافق آثار قبول اولنور.
درج اولنمیان اوراق اعاده اولنماز.

مجله علمی

اداره خانه سی باب عالی جاده سنده
۵۲ نومرولی «شرکت مرتبیه»
مطبعه سیدر.

—

استانبول ایچون سنه لکی مطبعه دن
آلنق شرطیله ۴۰ طشره لره پوسته
اجرتیله برابر ۶۰ غروشدر.

نسخه سی ۱ غروش

پنجشنبه کونلری نشر اولنور ادبی، فنی و صناعی غزته در

نسخه سی ۱ غروش

تراجم احوال

«اسکندر»

(تابعه)

اسکندرک بو صورتله کوندن کونه تقویت پذیر اولان شهرت و شانی، حرصی، غرورینی تزئید ایله مکده ایدی. بناءً علیه بتون آسیا قطعه سنه مالک اولمق آرزوسنه دوشوب بوقطعه جسمیه نک ایچریلرینه دوغرو یورومه یه باشلادی. یونانیلرک طانیمه دینی بو خوالیده مشهد، هرات، قندهار، قبول شهرلرینی آله رق بردن بره هندستانه توجیه وجهه عزیمت ایله «قبول» نهری بونیجه (قوفهس) دینلن نقطه یه قدر واصل اولدینی حالده شمالده سرزده ظهور اولان بعض وقایع الجاسیله عودته مجبور اولدی. بوراده وقتیه یونانیلرک آثوریه قراچیه سی «سه می رامیس» و مصرقرالی «سزوستریس» ایله واقع اولان مجادلاتنه مصدر اولش اولان نواحی کورمک آرزو ایدیور ایدی.

نواحی مذکوره بر زمان اقوام ایرانیه نک ید ضبطنده اولوب اقوام مزبورده ایسه «مدیا محاربانی» هنکامنده ما کدونیا نه قدر کیتشله، حتی آنه یی محاصره یه قدر جراتیاب اولمشلر ایدی. شوحاله کوره بورالری اقوام شمالیه نک مهاجمانه قارشى مدافعه و محافظه ایتمک لازم کلیور ایدی.

اسکندر، عسکرینی بو جهتیه امرار ایده رک «اوقسوس» نام دیگر «ام دریا» نهر

جسینی اوتیه کچروب «سیر دریا» یه قدر اوزاندی. بورالرده ایکی سنه مدت کشت و کنار ایله دکن صوکره عودت ایتدی [۳۲۷]. اسکندرک بوجولانی یونان مدینتک بورالرده انتشار و تأسسنی موجب اولوب کندندن صوکره ایکی یوز سنه ده پایدار اولدی.

بوندن صوکره اسکندر هندستانه عودت ایتدی. یونانیلر بوقطعه وسیعیه نک لطافت موقعیه، محصولات متنوعه و ثروت نلیه جهتلریله قطعات سارویه غبطه بخشا برحاله بولندینی یله یورلردی. اسکندر بو بابده کی تخمیننده آلدانامش ایدی. هندستان کندیسنه بستیون یکی بر عالم کورینوب تسخیر ایچون، دارا ایله حربده محتاج اولدینی قوه عسکریه نک فوقده بر قوتله یورودی. «اندوس» نهری وادیسنه واصل اولدینی زمان معیتده طقسان بیک پیاده واون الی بیک سواری عسکر بولمقده ایدی.

بواقیم لطافت آورک منظره دلفری، اهالیسینک کثرتی، شهرلرینک شمعی یه قدر کورمه دکلری طرز مختلفلری، نباتاتنک جسماتی و حیواناتنک خصوصیه محاربه یه سوق اولنان فیللرک جسامت حیرت افزاسی و هله اولاده ما کدونیا لیلرک نظر استغراب و طمعلرینی جلب ایتمش ایدیسده صوکره دن بوبابده کی آمال خریصانه لری کسب ضعف ایله دی.

هندستان قراللرندن «پوروس» Porus ایله وقوع بولان محاربه، بوراده دارا عسکرندن ده جدی، ده قوتلی بر خصمه تصادف ایده جکلرینی یونانیلره کوستردی. فی الحقیقه «پوروس» مغلوب اولش، حتی اسیر دخی ایدلش ایسه ده ایلزیده حوزة

حکومتلری بوندن ده واسع، قوه عسکریه. لری ده زیاده برچوق حکمدارلر بولمقده ایدی. بوملاحظاته مبنی اولمالیدرکه اسکندر تهدیداتنه بولندینی حالده عسکرینی غاثرنهری سواحله قدر سوکه موفق اوله مادی.

بناءً علیه ایوم «سوتلج» نامی ویریلن «هی فاز Hyphase» سواحله ده توقفه مجبور اولدی. بوراده یونان آله لرینک شرفه اوله رق اون ایکی طاق بنا ایتدکن صوکره عودته قرار ویردی. اول امرده (پوروس) دن ضبط ایتمش اولدینی ممالکک قسم اعظمی ترک ایتدیکی کی مؤخرأ موسی الیهک اطوار وحرکاتی شایان تقدیر واستحسان کورمه سی اوزرینه حکومتی اعاده ودها صوکره کندینه حالد ممالک وسیعیه یی ده بوکا علاوه ایله دی [۳۲۶].

اسکندر بعده «اندوس» نهرینک مجرای داخلیسنه دوغرو یورومک ایچون بردونما ترتیب وانشا ایتدیرمش ایسه ده نهر مذکوره واصل اولمازدن اول شدتلی بر محاربه یه طو تمش و فقط عسکرندن مأمول ایتدیکی غیرتی کورمه مش ایدی.

بویله بلاد بمیده ده عسکرینی بو حالده کورونجه مهاجمه ده بالذات پیشرو اولمق ایسته مشدی.

(تابعه ی وار)

